

56

四庫全書

經部
五
類

上海古籍出版社

四庫

全書

第五六册

四庫全書

●上海古籍出版社

本冊目次

禹貢指南	禹貢	禹貢
論	論	論
圖	圖	圖
山川地理	山川地理	山川地理
義	義	義
講	講	講
書	書	書
尙書	尙書	尙書
夏氏尙書詳解	夏氏尙書詳解	夏氏尙書詳解

宋毛晃撰……………一	宋毛晃撰……………一
宋程大昌撰……………五三	宋程大昌撰……………五三
宋史浩撰……………一六九	宋史浩撰……………一六九
宋夏僎撰……………三九三	宋夏僎撰……………三九三

欽定四庫全書

經部

禹貢指南

御製詩
卷二

詳校官給事中 李塋

通政使司副使 臣莫鼎泰 覆勘

總校官進士 臣繆 琪

校對官中書 臣晏 裕德

謄錄監生 臣沈 希曾

御製題毛晃禹貢指南六韻

微禹其魚功不刊導川敷土下民安九州既奠爰分域四海會同永宴瀾毛晃指南因有述文淵閣氏乃無端

宋史藝文志不載是書明焦竑經籍志載禹貢指南一卷宋毛晃撰自為可據而朱彝尊經義考則云未見又云文淵閣書目有之不著撰人書目成于楊士奇與焦竑為同時不應書成而佚其姓名豈未加深考耶

竑志籍傳名著朱子說書取訓鑽千古淵源率由邇諸

家附會概祛謬獨于分野稱星宿未識恢恢天道寬

天官書二十八舍主十二州注引星經如云角亢鄭之分野之類乃以二十八宿主十二州分配無餘此外更

欽定四庫全書

御製詩

當何屬夫天無不覆星麗乎天亦當無不照今十二州皆中國之地豈中國之外不在此昭昭之內乎且其間有地少而星多亦有地多而星少以天度地與準之亦不均如井鬼為雍州陝西甘肅皆是其道里之廣已非兩舍所能該而今拓地遠至伊犁葉爾羌喀什噶爾較禹貢方隅幾倍蓰其地皆在甘肅以外將以雍州兩星概之乎抑別有所分屬乎此又理之難通者蓋分野之說本不足信而災祥則更都于纖緯皆非正道是編于山水原委考證明當不泥諸儒附會之說故朱子書說蔡氏集傳多用之獨惜其引春秋元命苞謂某星散為某州派為某州并載及占驗與分野說雖不同而意則相似猶不免于拘墟之見耳

欽定四庫全書

經部二

禹貢指南

書類

提要

臣等謹案禹貢指南四卷宋毛晃撰晃宋史

無傳其始末未詳世傳其增註禮部韻畧于

紹興三十二年表進自著曰衢州免解進士

蓋高宗末年人也是書宋史藝文志不著錄

係竝經籍志載禹貢指南一卷宋毛晃撰朱

欽定四庫全書

禹貢指南
提要

彝尊經義考云未見又云文淵閣書目有之

不著撰人疑即晃作則舊本之佚久矣今考

永樂大典所載與諸家註解散附經文各句

下謹綴錄成篇釐為四卷以世無傳本其體

例之舊不可見謹以經文次第標列其無註

者則經文從畧焉其書大抵引爾雅周禮漢

志水經註九域志諸書而旁引他說以證古

今山水之原委頗為簡明雖生於南渡之後

僻處一隅無由睹中原西北之古蹟一一統

核其真而援據考證獨不泥諸儒附會之說

故後來蔡氏集傳多用之亦言地理者所當

考證矣乾隆四十三年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

禹貢指南
提要

欽定四庫全書

禹貢指南卷一

宋 毛晃 撰

冀州

爾雅兩河間曰冀州郭璞注曰自東河至西河李巡注曰兩河間其氣清厥性相近故曰冀冀近也周禮職方氏河內曰冀州謂其在三河之內蓋東河之西西河之東南河之北也案禹貢導河積石自積

欽定四庫全書

禹貢指南卷一

石而南下流謂之西河至于華陰折而東經底柱山又東逕孟津東過洛水之北皆東流謂之南河至于大伾山折而北流過降水至于大陸又北播為九河同為逆河入于海謂之東河爾雅言兩河間者舉其二則三可知也晉地理志春秋元命苞云昴畢散為冀州亂則冀安弱則冀強荒則冀豐孔安國曰舜分冀州之域為幽州并州孔穎達曰據職方氏幽并山川皆冀州之域故安國知之杜牧罪言禹畫

九土一曰冀州程其水土與河南等常重十一二以其特強不循理冀其必破弱雖已破冀其復強大因以為名

既載壺口

九域志河東隆德府潞州上黨郡上黨縣壺口山在上黨東太行山在上黨南漢地理志在河東郡北屈縣東南今隰州吉鄉縣也

治梁及岐

欽定四庫全書

禹貢指南卷一

梁山在左馮翊夏陽縣西北水經河水南逕梁山原東鄴道元注自原山東南至河晉之望也穀梁傳成公五年梁山崩遏河水三日不流晉侯以問伯宗即是處也九域志今永興縣即同州馮翊郡定國軍有梁山山在龍門之南

岐山水經在右扶風美陽縣西北梁岐二山在雍州今于冀州言之者豈當時河患上及梁岐乎禹導底柱則壺口平而梁岐自治因河而言非以二山為

冀州之地也

既修太原至于岳陽

太原晉陽也今并州之地高平曰原此又原之大者

太岳導山序壺口雷首至于太岳水經太嶽山在

河東永安縣南職方氏冀州山鎮曰霍山案霍山有

二在冀州者又謂之太岳在荊州者又謂之天柱山

潞水出焉漢地理志作岳陽注在太原西南

覃懷底績至于衡漳

欽定四庫全書

禹貢指南

三

覃懷 九域志今河北西路懷州河內郡即其地

濁漳水一名降水導河序北過降水至于大陸是也

顏師古注漢地理志衡漳謂漳水橫流而入河也

水經清漳水出上黨沾縣西北少山大陂谷南過

縣西又從縣南屈東過涉縣西屈從縣南東至武安

縣南黍窖邑入于濁漳鄭注淮南子曰清漳出揭房

山高誘云在沾縣漢分沾縣為樂平郡治沾縣晉太

康地記曰樂平縣舊名清漳涉縣魏郡之屬縣也

九域志河北東路冀州信都郡定武軍有昌亭城

水經云漳水東北至昌亭今滹沱衡漳水今長蘆河

則其故瀆也

厥賦惟上上錯厥田惟中中

諸州雜賦 冀上上錯揚下上上錯豫錯上中梁下

中三錯

諸州田賦 雍田上上徐田上中青田上下豫田中

上冀田中中兗田中下梁田下上荆田下中揚田下

欽定四庫全書

禹貢指南

四

下冀賦上上豫賦雜出亦上上冀賦雜出上中豫賦

亦上中荆賦上下青賦中上徐賦中中兗雍之賦中

下揚賦雜出亦中下揚賦下上梁賦雜出亦下上梁

賦下中梁賦雜出又下下雍青徐以上地出中賦冀

以中地出上賦

恒衛既從大陸既作

恒水 出常山上曲陽東入滹水 水經滹水出代

郡靈邱縣高氏山南過唐昌縣南又東南過中山上

曲陽縣北恒水從西來注之注瀛水兼納恒川之通稱

衛水 出常山靈壽縣東北入滹沱河

大陸 在鉅鹿縣北爾雅晉有大陸注今鉅鹿北廣

河澤是也大陸之野一名朝歌商紂之所都也 水

經注引應劭曰麓者林之大也尚書曰堯將禪舜納

之大麓之野烈風雷雨不迷致之以昭華之玉而縣

取目焉秦始皇二十年滅趙以為鉅鹿郡漢景帝中

欽定四庫全書

禹貢指南

五

元元年為廣平郡武帝征和三年為廣平侯國光武

中興更為鉅鹿今屬邢州汲郡修武縣亦有大陸

島夷皮服

島夷 漢地理志作鳥夷顏師古曰東北夷搏取禽

獸食其肉衣其皮也一說居海島被服容止皆象鳥

作鳥謂居海島也

夾右碣石入于河

碣石山 在海畔右北平驪城縣西南河自碣石山

南渤海之北入海夾右夾音挾自海入河逆流而西

右顧碣石如在挾掖也 水經碣石山在遼西臨渝

縣南水中注大禹鑿其石右夾而納河秦始皇漢武

帝皆嘗登之海水西侵歲月逾甚而苞其山故言水

中也 水經河水東北過甲下邑濟水從西來注之

又東北入于海又東分為二水枝津東逕甲下城南

東南歷常沈注濟注經言濟水注河自枝津東北流

逕甲下邑東北流入于海淮南子曰河九折注為海

欽定四庫全書

禹貢指南

六

而流不絕者崑崙之輸也禹貢曰夾右碣石入于河

山海經曰碣石之山繩水出焉東流注于河河之入

海舊在碣石今川流所導非禹瀆也周定王五年河

徙故瀆故班固曰商竭周移也 顏師古曰言禹夾

行此山之右而入于河逆上也孔傳同 凡九州未

言由諸水入河者皆通舟楫漕運以達京師也

濟河惟兗州

東南據濟西北距河河濟之間相去不遠兗州之界

止于濟也 爾雅濟河間曰兗州注自河東至濟

周禮職方氏河東曰兗州 武王封周公子伯禽于

曲阜為魯侯秦為薛郡後魏置南兗州于譙城置西

兗州于定陶城隋改為魯州唐武德初平徐圓朗復

為兗州 晉地理志兗州濟河地舜置十二牧則其

一也春秋元命苞云五星流為兗州兗端也信也又

曰蓋取兗水以為名焉

九河既道

欽定四庫全書

禹貢指南

七

徒駭 郭璞曰今在成平縣義未聞

太史 郭璞曰今所在未詳

馬頰

郭璞曰河勢上廣下狹狀如馬頰

案原本缺太史馬頰

二河今補入

覆鬴

郭璞曰水中可居往往而有狀

案今本爾雅注作水中可

居住而有狀

如覆釜

胡蘇

郭璞曰東莞縣今有胡蘇亭其義未詳

簡

郭璞曰水道簡易

絜 郭璞曰水多約絜

鉤盤 郭璞曰水曲如鉤流盤桓也

鬲津 郭璞曰水多阨狹可隔以為津而橫渡

爾雅九河皆禹所名 正義曰河自大陸以北數為

九河謂大陸在冀州嫌九河亦在冀州故云在此州

界也河從大陸東畔北行而東北入海冀州之東境

至河之西畔水分大河東為九道故知在兗州界平

原以北是也李巡曰徒駭禹疏九河以徒眾起故云

欽定四庫全書

禹貢指南

八

徒駭太史禹大使徒眾通其水道故云太史馬頰河

勢上廣下狹狀如馬頰也覆釜水中多渚往往而處

形如覆鬴胡蘇其水下流故曰胡蘇胡下也蘇流也

簡大也河水深而大也絜言河水多山石治之苦絜

絜苦也鉤盤言河水曲如鉤屈折如盤也鬲津河水

狹小可鬲以為津也孫炎曰徒駭禹疏九河用功雖

廣眾懼不成故曰徒駭胡蘇水流多散胡蘇然其餘

同李巡

導河篇云濟水故渠今在冀州西界大陸

今在德州德平縣經滄州清池縣西北太史今在德州安德縣東南經滄州臨津縣西馬頰在德州北平縣經安德縣西南恩州漳南縣東棣州商河縣北覆鬴今在永靜軍阜城縣東經東光縣西北胡蘇今在滄州南皮縣東光縣北經滄州無棣縣西北黎今在滄州南皮縣經滄州臨津縣鉤盤今在德州德平縣西經滄州樂陵縣東棣州陽信縣北滄州樂陵縣西南高津在德州平原縣東經滄州臨津縣東樂陵縣

欽定四庫全書

禹貢指南

九

西饒安無棣縣南並在德州平原以北惟簡河亡焉同為逆河入于海今大名府石奔故瀆在焉

雷夏既澤

雷夏澤 在濟陰成陽西北 水經注云雷澤西南十許里有小山山北有小阜南屬池澤之東北有陶墟郭緣生言舜陶所在墟阜聯屬濱帶瓠河也一云舜所漁處本名夏澤

灘沮會同

灘水 灘於用切爾雅水自河出為灘又云河有灘又云灘反入郭注河水決出復還入者河之有灘猶江之有沱 漢地理志作雍沮沮水出常山元氏縣入河雍水不言出入

沮水 沮七餘切案沮水與雍州沮水不同荊州沮水在房陵左傳所謂江漢沮漳楚之望也導川云漆沮既從即雍州之沮也今此沮水自會同于雷夏之間非雍州之沮也水經不著所出或云沮水出北地

欽定四庫全書

禹貢指南

十

直路縣入洛洛非河南洛水也

厥土黑墳

土黑墳 墳扶粉切土脉墳起也

厥田惟中下厥賦貞

田中下第六

賦貞賦與田相當

厥篚織文

篚織文 漢地理志篚字作裴顏師古曰裴與篚同

竹器篚屬織文錦綺之類 冀州不言貢篚貢者下以職供之謂也冀州帝都所在無所效其臣職故也浮于濟漂達于河

濟水 沅水東流為濟 爾雅濟為澼澼音楚濟水出河東垣縣王屋山東南至河內武德縣入河並流而南截河又並流溢出乃為滎澤也 水經濟水出河東垣縣東王屋山為沅水又東至溫縣西北為濟水又南當鞏縣北南入于河與河合流而東過滎陽

欽定四庫全書

禹貢指南

十一

縣北 漢地理志濟作洧州末言浮于濟漂達于河顏師古曰浮以舟渡也達通也因水入水曰通又解在導川沅水濟水下

漂水 出東郡東武陽縣至樂安千乘縣入海 水經漂水東出于高唐縣大河右迤東注漂水酈道元注曰桑欽地理志曰漂水出高唐余案竹書穆天子傳稱丁卯天子自五鹿東征釣于漂水是日祭丘己已東征食馬于漂水之上尋其沿厯逗趣不得近高

唐也桑氏所言蓋津流出次于其間也 地理風俗記曰漂水東北至于千乘入海河盛則通津委海水耗則微消絕流

海岱惟青州

東北據海西南距岱

青州 東北跨海及遼東舜分青為營州即遼東也漢末公孫度據遼東自號青州刺史爾雅齊曰營州郭注自岱東至海此蓋商制無青州并青于徐周制

欽定四庫全書

禹貢指南

十二

有青無徐并徐于青故職方氏正東曰青州其山鎮曰沂山其澤藪曰望諸其川淮泗其浸沂沭 晉地理志青州蓋取土居少陽其色為青故以名也春秋元命苞云虛危流為青州

嵎夷既畧

嵎夷 堯命羲仲所宅處以其在東日所出故曰暘谷

淮濁其道

澱水 出琅邪箕屋山北至都昌縣入海 水經澱

水出琅邪箕縣東北過武城縣西又北過平昌縣東

又北過高密縣西又北過淳于縣東又東北逕都昌

縣東又東北入于海注云澱水導源澱山許叔重呂

忱云澱水出箕屋山淮南子曰澱水出覆舟山蓋廣

異名也

澱水 出泰山萊蕪縣原山東北至千乘傳昌縣入

海 水經澱水與汶水同出泰山萊蕪縣原山東北

欽定四庫全書

禹貢指南

十三

又東北過臨澱縣東又東過利縣東又東北入于海

漢地理志澱澱作惟當顏師古曰澱澱惟當古今

通用道讀曰導導治也一說水復故道音上聲一音

導謂導道而流也

海濱廣斤

斤酒地也漢志海濱作海瀕廣斤作廣瀉注瀕音頻

又音濱瀉音昔

厥田惟上下厥賦中上厥貢鹽絺海物惟錯岱畎絲泉

鉛松怪石萊夷作牧厥篚麋絲

田上下第三

賦中上第四

貢鹽絺海物絲泉鉛松怪石篚麋絲 顏師古曰麋

桑也食麋之蠶絲可以絃琴瑟或曰麋山柘也蠶食

柘葉者絲黃而韌可以為絃

萊夷 春秋夾谷之會萊人以兵刳魯定公孔子曰

兩君合好而夷裔之俘以兵亂之是知古者東萊之

欽定四庫全書

禹貢指南

十四

有夷也夾音刳 應劭十三州記曰泰山萊蕪縣魯

之萊柞邑也左傳與之無山及萊柞 案左傳本作辭以無山與之萊

柞是也齊靈公滅萊萊民稍流此谷邑落荒蕪故曰

萊蕪漢高祖置縣萊山之夷周曰萊子國漢曰東萊

浮于汶達于濟

汶水 爾雅汶為澗澗音聞 水經汶水出泰山萊

蕪縣原山西南過羸縣南又東南過奉高縣北屈從

縣西南流過博縣西北又西南過蛇邱縣南又西南

過岡縣北又西南過平章縣南又西南過無鹽縣南又西南過壽張縣北又西南至安民亭入于濟注萊蕪縣在齊城西南原山又在縣西南六十里許地理志汶水與淄水俱出原山西南入泲故不得過其縣南也從征記曰汶水出縣西南流淮南子汶水出朱虛弗其山乃東汶水非此也諸州之末皆記入河水道以堯都在冀而河行于冀也青州雖不言河而曰達于濟則因濟達河也地理志州末言浮于汶達于泲顏師古曰言渡汶水西達于泲也青州不言河由堯而見也兗州之末言浮于濟潔達于河謂渡濟潔而通河也青州次兗故言達于濟達通也因水入水曰通渡汶通濟則渡濟可以通河矣

海岱及淮惟徐州

徐州爾雅濟東曰徐州注云自濟東至海李巡注曰淮海間其氣寬舒稟性安徐故曰徐徐舒也周禮職方氏無徐州正義曰以徐州合之于青州青州

分為幽并晉地理志徐州于周入青州之域春秋元命苞云天氏流為徐州蓋取舒緩之義或曰因徐邱以立名

淮沂其乂

淮水出桐柏山其源遠矣于此言之者淮水至此而大為害尤甚喜其治故于此紀之淮水出胎簪山東北過桐柏胎簪蓋桐柏之旁小山也水經淮水東至廣陵淮浦縣入于海顏師古注漢地理志淮水出大復山九域志壽春府有淮瀆胎簪山在南陽平氏縣沂水水經注沂水出尼邱山西北經魯之雩門曾點浴乎沂者非禹貢沂水也

蒙羽其藝

蒙山水經注云禹貢有兩蒙山在徐州者在泰山蒙陰縣西南在梁州者在蜀郡青衣縣今曰蒙頂羽山水經注在東海祝其縣南山西有羽淵禹父

之所化其神為黃能入于羽淵 山海經曰洪水滔天鯀竊帝之息壤以堙洪水不待帝命帝令祝融殺鯀于羽郊 漢地理志藝作藝

大野既豬

爾雅魯有大野郭璞注今高平鉅野縣東北大澤是也 鉅野縣今屬濟州 漢地理志作大埜 春秋

左氏傳哀公十四年春西狩于大野叔孫氏之車子鉏商獲麟杜預曰大野在東平鉅野縣東北大澤是

欽定四庫全書

禹貢指南

十七

也 周禮職方氏大野屬兗州澤藪

東原底平

東原 今東平郡鄆州在魯之西獲麟之地

羽畎夏翟 澤陽孤桐泗濱浮磬淮夷蠙珠璣魚鼈鼃玄纖縞

漢地理志夏翟作夏狄泗濱作泗濱璣魚作泉魚

篚元纖縞 言獻黑細繒及鮮支也或謂纖言質之

細而元之與縞其色也以纖該于元縞之中則色雖

不同皆纖質也此乃古史立言之法猶雲土夢然耳 禮記注云元與縞謂之纖一曰白經黑緯曰織詩

注亦作縵

浮于淮泗達于河

漢地理志州末言浮于淮泗入于河顏師古曰渡二水而入于河

汴河 右自淮泗入河必道于汴世謂隋煬帝始通汴入泗禹時無此水道以疑禹貢之言此特學者攷

欽定四庫全書

禹貢指南

十八

之不詳而已案前漢書項羽與漢約中分天下割鴻溝以西為漢以東為楚文穎注云于滎陽下引河東南為鴻溝以通宋鄭陳蔡曹衛與濟汝淮泗會于楚即今官渡水也魏曹操與袁紹相持于官渡乃楚漢分裂之處蓋自秦漢以來有此安知非禹跡也禹貢九州之末皆記入河水道而淮泗獨不能入河帝都所在理不應爾意其必開此道以通之其後或為鴻溝或為官渡或為汴上下百餘里間不可必然皆引

河水而注之淮泗也故王濬伐吳杜預與之書曰足下既摧其西藩當徑取秣陵討累世之逋寇釋吳人于塗炭自江入淮逾于泗汴沂河而上振旅還都亦曠世一事也王濬舟師之盛古今絕倫而自汴水沂河可以班師則汴水之大小當不減于今又足以見秦漢魏晉皆有此水道非煬帝創開也自唐以前汴泗會于彭城之東北然後東南入淮近歲汴水直達于淮不復入泗矣吳王夫差開溝通水與晉會黃池而江始有入淮之道禹時則無之故禹貢曰沿于江海達于淮泗明非自海入淮則江無通淮之道今徐州之末直云浮于淮泗達于河不言自海則鴻溝官渡汴水之類自禹以來有之明矣特濬堙不常故晉劉裕王仲德開鉅鹿入河則泗水不由汴入河其後鉅野道塞故汴至彭城東北入泗又東南入淮又其後不復入泗直達于淮鉅野道復開由彭城出東平而入河汴水不復治矣煬帝豈復濬之乎雖江淮亦

有可疑者以孟子排淮泗而注之江之言攷之則其道尚矣夫差亦復濬之爾

淮海惟揚州

爾雅江南曰揚州注云自江南至海李巡注曰江南其氣燥勁厥性輕揚故曰揚揚輕也周禮職方氏東南曰揚州其山鎮曰會稽其澤藪曰具區其川三江其浸五湖晉地理志引春秋元命苞云牽牛流為揚州分為越國以為江南之氣燥勁厥性輕揚亦曰州界多水水波揚也于古則荒服之國戰國時其地為楚分

彭蠡既豬

彭蠡漢水南入于江東匯澤為彭蠡在彭澤西北今南康軍湖是也

陽鳥攸居

陽鳥漢地理志陽鳥攸居作道居孔叢子小雨雅廣鳥篇去陰就陽者謂之陽鳥鴻鴈是也今曰陽

鳥豈誤寫鳥字作鳥邪抑亦通稱也邪

三江既入

三江 水經南江東北為長瀆歷河口東南注于具區謂之五湖口東則松江出焉江水奇分謂之三江口酈道元注曰吳越春秋稱范蠡去越乘舟出江之口入五湖之中也此亦別為三江 庾仲初揚都賦注曰今太湖東注為松江下七十里有水口分流東北入海為婁江東南入海為東江與松江而三也

欽定四庫全書

禹貢指南

三

水經又云三江口之水又東至會稽餘姚縣東入于海注云謝靈運云具區在餘姚然則餘暨是餘姚之別名也今餘暨之南餘姚西北浙江與浦陽江會同歸海但水名已殊非班固所謂南江者也郭璞曰三江者浙江松江岷江也然浙江出南蠻中不與岷江同作者述誌多言江水至山陰為浙江今南江枝分愚烏程縣南通餘杭縣則與浙江合故關駟十三州志曰江水至會稽與浙江合浙江自臨平湖南通浦

陽江又于餘暨東通浦陽江自秦望分派東至餘姚縣又為江也 顏師古注漢地理志曰三江謂北江

中江南江也 韋昭注史記曰三江謂吳松江錢塘江浦陽江也 蘇東坡曰三江之入古今皆不明予以所見攷之自豫章而下入于彭蠡而東至海為南江自蜀岷山至于九江彭蠡以入于海為中江自嶓冢導漾東流為漢過三澁大別以入于江匯為彭蠡以入于海為北江此三江自彭蠡以上為二自夏口

欽定四庫全書

禹貢指南

三

以上為三江漢合于夏口與豫章之江皆匯于彭蠡則三江為一過秣陵京口以入于海不復三矣然禹貢猶有三江之名曰北曰中者以味別也蓋以三水性不相入江雖合而水味異故至于今而有三泠之說古今稱唐陸羽知水味三泠相雜而不能欺不可誣也予又以禹貢之言攷之若合符節書之叙漢水也曰嶓冢導漾東流為漢又東為滄浪之水過三澁至于大別南入于江東匯澤為彭蠡東為北江入于

海夫漢既已入江且滙為彭蠡矣安能復出為北江以入于海乎知其以味別也書之叙江水也曰岷山導江東別為沱又東至于澧過九江至于東陵東迤北會于滙東為中江入于海夫江既已與漢合且滙為彭蠡矣安能自別為中江以入于海乎知其以味別也漢為北江岷山之江為中江則豫章之江為南江不言可知矣禹以味別信乎曰濟水既入于河而溢為滎禹不以味別安知滎之為濟也歟堯水之未治也東南皆海豈復有吳越哉及彭蠡既豬三江入海則吳越始有可宅之土水之所鍾獨震澤而已故曰三江既入震澤底定孔安國以為自彭蠡江分為三入震澤為北江入于海疏矣蓋安國未嘗南遊案經文以意度之不知三江距震澤遠甚決無入理而震澤之大小決不足以受三江也班固曰南江從會稽吳縣南入海中江從丹陽蕪湖縣西東至會稽陽羨東入海北江從會稽毗陵縣北東入海會稽丹陽

容有此三江然皆是東南枝流小水自相派別而入海者禹貢所謂中江北江自彭蠡出者也徒見禹貢有三江中北江之名而不悟一江三泠合流而異味也故雜取支流小水以應三江之數若使此三者為三江則是與今京口入海之江為四矣京口之江視此三者猶畎澮禹獨遺大而數小何邪此蘇氏之說也予謂三江之說古今諸儒互相矛盾學者徒取北江中江以為三江之目而不知禹貢中無南江之目是未免乎牽合也蘇氏味別之說尤為難據且江漢之水皆滙為彭蠡以入海而不三出矣安有中北之辨乎況三江距震澤為遠禹貢言三江既入然後震澤之水有所洩而底定明知揚州之地自有三江非江漢中江之江也案水經有三江口五湖口疑禹貢所謂三江者即三江口也蓋言三江口水入海則震澤之水有所洩而底定此理甚明其文連屬震澤而設非謂南江中江北江與義興毗陵吳縣之江也故